

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- प्रधानमंत्री नरेन्द्र मोदी होर साइप्रस, कनाडा ते क्रोएशिया दे 5एं दिनें दे दौर पर खाना।
- उपराज्यपाल मनोज सिन्हा होरें जम्मू कश्मीर दे बंद रखे गेदे पार्क ते सैलानी थाहरें गी परतियै खोलने दा हुक्म जारी कीता ऐ।
- उपराज्यपाल मनोज सिन्हा होरें पहलगाम च नुनवन कैप दा दौरा लाइयै उत्थें औंदी श्री अमरनाथें दी यात्रा दी पछोकड़े च सुरक्षा ते होरने प्रबंधें दा जायजा लैता।
- उपमुख्यमंत्री सुरिन्दर चौधरी कलासरा ग्रां च जनता दरबार लाया। आखेआ जरूरी सुविधाएं गी लोकें दे घरै कश उपलब्ध कराना सरकार दी पैहली तरजीह।
- जम्मू च गर्मी दा प्रकोप जारी, अगले 4–5 दिन कुसै राहत दे कोई आसार नेई

<><><><><><>

PM-Visit

प्रधानमंत्री नरेन्द्र मोदी होर साइप्रस, कनाडा ते क्रोएशिया दे 5एं दिनें दे दौर लेई खाना होई गे न। साइप्रस दे राष्ट्रपति निकोस क्रिस्टोडौलिडेस हुंदे साददे पर प्रधानमंत्री होर अपने दौर दे पैहले गेड़ च साइप्रस दी सरकारी यात्रा पर खाना होए। कुसै भारतीय प्रधानमंत्री दी दऊं दहाकें च साइप्रस दा एह पैहला दौरा ऐ। यात्रा दे दुए गेड़ च श्री मोदी होर जी-7 शिखर सम्मेलन च शामिल होने आस्तै 16 जून गी कनाडा जांगन। एह दौरा कनाड दे प्रधानमंत्री मार्क कार्नी हुंदे साददे पर होआ करदा ऐ। यात्रा दे खीरले गेड़ च प्रधानमंत्री होर 18 जून गी क्रोएशिया दी सरकारी यात्रा पर जांगन। एह कुसै भारतीय प्रधानमंत्री दी क्रोएशिया दी पैहली यात्रा होग, जेहड़ी दपक्खी सरबंधें च महत्वै आला मील दा पत्थर साबत होग।

<><><><><><>

Tourist Destinations

उपराज्यपाल मनोज सिन्हा होरें 22 अप्रैल गी पहलगाम आतंकी हमले दे परैंत आरजी तौरा पर बंद कीती गेदियां सैलसफा आली किश थाहरें गी 17 जून थमां समूलचे जम्मू कश्मीर च चरणबद्ध तरीके कन्नै परतियै खोलने दी घोषणा कीती ऐ। फिलहाल 16 नेइएं थाहरें गी सैलानिएं आस्तै खोलेआ जा'रदा ऐ, जेह्दे च जम्मू ते कश्मीर संभागें च 8-8 थाहरां शामिल न। कश्मीर च परतियै खुलने आली थाहरें च बेताब घोटी, वेरीनाग, कोकरनाग ते अच्छाबल गाईनस शामिल न, जिसलै के जम्मू खित्ते च कठुआ जिले च सरथल ते धग्गर, रियासी च देवीपिंडी, सियाड़ बाबा ते सुला पार्क, डोडा च गुलडंडा ते जाई घाटी ते उधमपुर च पंचैरी गी बी इस शुरूआती गेड़ दे दरान परतियै खोली दित्ता जाग। मीडिया कन्नै गल्लबात करदे होई उपराज्यपाल होरें इस बारे आखेआ.....

<><><><><><>

LG-Nunwan

उपराज्यपाल मनोज सिन्हा होरें पहलगाम च नुनवन आधार शिविर दा दौरा करियै 3 जुलाई थमां शुरू होआ'रदी औंदी श्री अमरनाथ जी दी यात्रा दिएं तैआरिएं दा जायजा लैता। उनें आपदा प्रबंधन केन्द्र ते यात्री निवास दी प्रगति ते समूलचे सुरक्षा इंतजामें दा आंकलन कीता। उपराज्यपाल होरें आखेआ जे इक व्यापक सुरक्षा योजना बनाई गई ऐ ते उनें सब्बने तीर्थयात्रिएं गी अपनी सुरक्षा आस्तै निध्धारित काफलें च यात्रा करने दा आग्रह कीता। उनें हाल दे ब'रे च बुनियादी ढांचे च प्रमुख सुधार पर बी लोह पाई। इस मौके पर बोलदे होई उपराज्यपाल होरें आखेआ.....बाईट

<><><><><><>

Div.Com Kathua-Samba

जम्मू दे डिवीजनल कमीशनर रमेश कुमार होरें औंदी श्री अमरनाथ जी दी यात्रा दिएं तैआरिएं दा जायजा लैने आस्तै कठुआ च जम्मू कश्मीर दे प्रवेश द्वार लखनपुर दा दौरा कीता। लखनपुर गी तीर्थयात्रिएं आस्तै इक महत्वपूर्ण सुआगत केन्द्र दे रूपे च विकसित कीता जा'रदा ऐ। इत्थें आरएफआईडी कार्ड जारी करने आस्तै 14 केन्द्र स्थापत कीते गे न। डिवीजनल कमीशनर होरें अपने दौरे दरान अधिकारिएं गी निर्देश दित्ते जे ओह 25 जून तगर सब्बै लोड़चदियां सुविधां ते सूचना काउंटर तैआर करना जकीनी बनान।

डिवीजनल कमीशनर होरें इस्सै सिलसिले च सांबा जिले दा बी दौरा कीता ते श्री अमरनाथ जी दी यात्रा आस्तै उत्थें कीते गेदे इंतजामें दा बी जायजा लैता। इस मौके पर बोलदे होई डिवीजनल कमीशनर होरें आखेआ.....

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफतर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू पंजीतीर्थी च अज्ज संजा 6 बजे कोला पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Dy CM

लोकें दी चिंताएं गी समझदे ते उंदा नबेड़ा करने ते बन्ने कन्नै लगदे इलाकें दे बसनीकें दी भलाई जकीनी बनाने दे जतनें तैहत्त उपमुख्यमंत्री सुरिन्दर चौधरी होरें नौशेहरा इलाके दे कालासारा ग्रां च इक जनता दरबार दा आयोजन कीता। मकामी बसनीकें शिड़कें, पानी दी कमी, बिजली दी कमी, सेहत सरबंधी सहूलतां, बंकरें दी सहूलतां ते स्कूलें च शिक्षकें ते इलाके च डंगरे दे डाक्टरें दी कमी जनेह् बक्ख-बक्ख मुद्दे गी पुट्टेआ। उपमुख्यमंत्री होरें अधिकारिण गी इनें मुद्दे गी फौरी तौरा पर हल करने दे निर्देश दित्ते। उनें आखेआ जे लोकें गी हर जरूरीसेवा सुविधा उंदे घरै कश पजाना जकीनी बनाना उंदी सरकार दी पैहली तरजीह ऐ।

<><><><><><>

Ramban Yoga

मैहकमा आयूष रामबन आस्सेआ 11में अंतर्राष्ट्रीय योग दिवस दे मौके पर 21 जून गी केई कार्यक्रमें दा सरिस्ता कीता जा'रदा ऐ। इस ब'रे लेई अंतर्राष्ट्रीय योग दिवस दा विषय सार ऐ "इक धरती इक स्वास्थ्य लेई योग" जेहदा मुख मकसद नरोआ जीन जीने गी बढ़ावा देना ऐ।

योग दिवस दे कामयाब आयोजन लेई मैहकमा योग दे बक्ख—बक्ख माहिरें कन्ने मिलियै कम्म करा'रदा ऐ। एह माहिर लोकें गी योग आसन करने बारे जानकारी देंगन। मैहकमे आस्सेआ आयुषमान आरोग्य केन्द्रें च बी लोकें गी योग सिखाने दे कन्नो कननी उनेंगी एह्दे फायदें बारे जागरूक बी कीता जा'रदा ऐ। जेह्दे नै ओह इक नरोआ जीन जी सकदे न। आकाशवाणी समाचार कन्नै गल्ल करदे होई रामबन दे आयुष नोडल अफसर सुरेश शर्मा होरें दस्सेआ.....

<><><><><><>

Prog. Ann

आकाशवाणी जम्मू दा क्षेत्रीय समाचार, एकांश अंतर्राष्ट्रीय योग दिवस पर 20 मिनटे दा इक खास कार्यक्रम पेश करा करदा ऐ। जेह्दा प्रसारण 18 जून गी बडलै 7 बज्जियै 10 मिनट पर कीता जाग। कार्यक्रम च साढ़ियां परौहनियां होंगन मन्नी परमन्नी दियां योग आचार्य डॉ. सुजाता संथु। सुजाता होर साढ़े जीवन च योग दे महत्व बारे अपने बचार सांझे करगंन। चर्चा दी मेजबानी साढ़े न्यूज एंकर श्रुति खजूरिया ते कुणाल श्रीवत्स करगंन। एह् कार्यक्रम तुस मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

Weather

हुन मौसम सरबंधी जानकारी , मौसम विभाग नै औंदे 4—5 दिनें लेई ओरेंज ते यैलो अजर्ट जारी कीते न। इस दरान 19 जून तगर तेज हवाएं कन्नै बक्ख—बक्ख थाहरें पर लूह चलने दी पेशगोई कीती गई ऐ। लोकें गी सलाह् दित्ती जंदी ऐ जे ओह् लोड़चदी मिकदार च पानी जां होर दुए तरल पद्वार्थ पीन ते दपैहरी 12 बजे शा लेइयै संजा 4 बजे तगर जेकर बाहर निकलना बड़ा गै जरूरी नेई ऐ ते घरै थमां बाहर नेई निकलन। तोआई जम्मू शैहरे च कल बद्धोबद्ध तापमान 41 डिग्री सैल्सियस दर्ज कीता गेआ।

<><><><><><>